




BOSNIA AND HERZEGOVINA
FEDERATION OF BOSNIA AND HERZEGOVINA
FUND FOR PROFESSIONAL REHABILITATION
AND EMPLOYMENT OF DISABLED PERSONS



Broj: 01-04-S-13403/2)
Sarajevo, 12.11.2021. godine



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Hamdije Kreševljakovića 3
71 000 Sarajevo

PREDMET: Inicijativa delegata Damira Jurišića, dostavlja se

Poštovani,

Dana 10.11.2021. godine Upravni odbor Fonda za profesionalnu rehabilitaciju i zapošljavanje osoba sa invaliditetom (u daljem tekstu: Fond) je zaprimio Inicijativu delegata u Domu naroda Parlamenta Federacije Bosne i Hercegovine gdn-a Damira Jurišića za osnivanje područnog ureda Fonda u Hercegovini.

O navedenoj inicijativi se raspravljalo na sjednici Upravnog odbora održanoj dana 12.11.2021. godine, te je odlučeno da se ista proslijedi Parlamentu Federacije Bosne i Hercegovine, obzirom da je isti osnivač Fonda.

S poštovanjem,

PREDSJEDNIK UPRAVNOG ODBORA



Dr. Senad Pešto

PRILOG: Inicijativa delegata Damira Jurišića

Dostaviti:

- Naslovu
- V.d direktoru
- a/a

Strana 1 od 1

DAMIR JURIŠIĆ
IZASLANIK U DOMU NARODA
PARLAMENTA FEDERACIJE BiH

Prilozi	04-11-2021
Priloga	415/21
Vrijednost	


U svojstvu izaslanika u Domu naroda, postupajući u smislu odredbi članka 10. Poslovnika o radu Doma naroda Parlamenta Federacije BiH („Službene novine Federacije BiH“, broj: 27/03) upućujem

Inicijativu za osnivanje područnog ureda Fonda za profesionalnu rehabilitaciju i zapošljavanje osoba sa invaliditetom

U skladu sa Zakonom o profesionalnoj rehabilitaciji, osposobljavanju i zapošljavanju osoba sa invaliditetom uspostavljen je Fond za profesionalnu rehabilitaciju i zapošljavanje osoba sa invaliditetom čija je osnovna zadaća osiguranje potpore pri zapošljavanju i rehabilitaciji osoba s invaliditetom, a sjedište Fonda nalazi se u Sarajevu. S obzirom da sa područja Hercegovine imamo velik broj osoba sa invaliditetom koje koriste usluge Fonda kroz razne vidove zapošljavanja i samozapošljavanja te kroz programe održivosti zaposlenosti kao i programe profesionalne rehabilitacije koji obuhvaćaju školovanje i doškoloavanje osoba sa invaliditetom kroz kvalifikaciju i dokvalifikaciju osoba, izvanredno srednje školovanje te visoko obrazovanje smatram da je potrebno otvoriti ispostavu odnosno područni ured Fonda na području Hercegovine u kojem bi osobe sa invaliditetom i tvrtke sa tog područja mogle dobiti sve potrebne informacije o ostvarivanju prava kod Fonda. Imali smo situacija gdje osobe s invaliditetom moraju putovati i do 200 kilometara kako bi potpisali Ugovor o samozapošljavanju. Na ovaj način osigurali bi najosjetljivijem dijelu našega društva pomoć u ostvarivanju svojih prava te stoga podnosim Inicijativu za osnivanje podružnice Fonda na području Hercegovine.

Dostaviti:

- Upravni odbor Fonda za prof.reh. i zap. osoba sa inv.
- Vlada FBiH
- Parlament FBiH

Damir Jurišić


tiče se osnivanja Područnog ureda Fonda za profesionalnu rehabilitaciju i zapošljavanja osoba sa invaliditetom. Znači, u skladu sa Zakonom o profesionalnoj rehabilitaciji osoba sa invaliditetom uspostavljen je Fond za profesionalnu rehabilitaciju čija je osnovna zadaća osiguranje potpore pri zapošljavanju i rehabilitaciji osoba sa invaliditetom a sjedište Fonda nalazi se u Sarajevu. S obzirom da sa područja Hercegovine imamo velik broj osoba sa invaliditetom koji koriste usluge Fonda kroz razne vidove zapošljavanja te kroz programe održivosti zaposlenosti kao i programe profesionalne rehabilitacije koji obuhvaćaju školovanje i doškolovanje osoba sa invaliditetom kroz kvalifikaciju i dokvalifikaciju izvanredno srednje školovanje te visoko obrazovanje smatram da je potrebno otvoriti ispostavu odnosno Područni ured Fonda za područje Hercegovine u kojem bi osobe s invaliditetom i tvrtke sa tog područja mogle dobiti sve potrebne informacije o ostvarivanju prava kod Fonda. Evo trenutno sada imamo situacije gdje osobe s invaliditetom moraju putovati i do 200 km kako bi potpisali tipa ugovor o samozapošljavanju. Na ovaj način osigurali bi najpsjetljivijem dijelu našeg društva pomoć u ostvarivanju svojih prava te stoga podnosim inicijativu za osnivanje Podružnice Fonda na području Hercegovine. Zahvaljujem.

TOMISLAV MARTINOVIĆ:

Hvala. Riječ ima izaslanik Damir Marjanović. Izvolite.

DAMIR MARJANOVIĆ:

Ja se zahvaljujem predsjedatelju. Pozdravljam sve kolegice i kolege kao i one koji prate ovu sjednicu. Mislim da smo u protekle dvije godine imali priliku da vidimo koliko je nauka bitna u svijetu i da nauka ne postoji vjerovatno mi danas opet ovdje ne bi sjedili vjerovatno bi brojeve mrtvih od virusa bili mnogo veći, vjerovatno ne bi imali sada ni rješenja koja su pružena modernoj civilizaciji i onda vjerovatno ne bi imali priliku da diskutujemo o tome kako nauka u FBiH je na izrazito niskome nivou, kako izdvajanja iz Budžeta su minimalna, neprecizna i moram priznati da se djelovanje Vlade Federacije o ovome djelokrugu nauke, znanosti zovite kako god hoćete svodi više na entuzijizam pojedinih uposlenika Federalnog ministarstva za obrazovanje i nauke e sad imate jako zanimljivu stvar, imate Federalno ministarstvo za obrazovanje i nauku a ne znam da li vam je poznato da nemate Zakon o naučnoj tj. znanstveno-istraživačkoj djelatnosti u FBiH. Znači i onaj novac koji se dijeli isto aktivnosti svih naučno-istraživačkih institucija na prostoru FBiH nisu regulisane nisu propisane onim što se zove legislativa. S tim u vezi, ja prije nego što krenem na konkretnu inicijativu moram priznati da me to malo i ne čudi jer ova Vlada smijemo li je nazvati Vladom Federacije BiH već odavno je podkapacitirana i to primarno u oblasti nauke i obrazovanja, da vas podsjetim, možda ću pogriješiti godinu ali čini mi se da ćemo uskoro obilježiti čak dvije godine ako ne i tri malo prolazi to vrijeme da nemamo federalnog ministra ili ministricu iz ove oblasti. Zanimljivo ako odete na portal ustvari ako odete na web stranicu Federalnog ministarstva obrazovanja i nauke još uvijek imate u rubrici „vijesti“ jedan intervju uvažene federalne ministricice koja je već dugo vremena veleposlanica u nekoj od skandinavskih zemalja gdje govori o jako bitnim stvarima, inovatnim stvarima koje su se dešavale prije dvije ili tri godine. Moja bi inicijativa bila da se rekonstruiše Vlada, je li, da konačno dobijemo tu